



# COMUNE DE PÀDRIA

## DELIBERATZIONE DE SU CONSÌGIU COMUNALE N. 25 DE SU 29/08/2022

OGETU: APROVATZIONE DE SAS LÌNIAS PROGRAMMÀTICAS DE MANDADU PRO SU PERÌODU 2022-2027

S'annu duamìgia e bintiduos sa die bintinoe de su mese de austu a sas 18:30, AULA CONSILIARE, a pustis de avisu de cunvocatzione regulare, chi cuntenet puru s'elencu de sas cosas de trattare, notificadu a sos Consigeris in càrriga de su Comune, publicadu a s'albu pretòriu de su Comune matessi in sos tèrmines de lege, s'est reunidu in sessione ordinària pùblica in prima cunvocatzione, su Consìgiu Comunale, de su cale a s'apellu resurtant:

SAMBENADU E NÙMENE	PRESENTE
DUT.RE MURA ALESSANDRO	EMMO
MARICA MATTEO SALVATORE	EMMO
DETTORI GIUSEPPA ANGELA	EMMO
CONTU DANILO	--
PIRAS ANGELO	EMMO
DOMINICI SANTO	EMMO
MANCA ALESSANDRA	EMMO
SERRA ANTONIO	EMMO
MASCIA ANGELA RITA	EMMO

Presentes n° 8 Ausentes n° 1

Partètzipat su SEGRETÀRIU COMUNALE DUT. CARTA GIANCARLO, chi providit a redatzionare custu verbale.

Essende legale su nùmeru de sos interbènnidos, su SÌNDIGU DUT. MURA ALESSANDRO, in sa calidade sua de Presidente, leat sa presidèntzia e decarat aberta sa setziada pro trattare de s'ogetu giutu torra in subra.

## SU CONSÌGIU COMUNALE

**Bidu** s'argumentu de su cale a su puntu 2 a s'òrdine de sos traballos de sa setziada de oe;

**Premìtidu** chi sa die 12 de làmpadas de su 2022 s'est acumprida sa consultazione elettorale pro s'anno adura de su Consìgiu comunale e pro s'eletzione de su Sìndigu;

**Reconnotu** chi pro su perìodu 2022-2027 est resurtadu eletu a sa càrriga de Sìndigu su dut. Alessandro Mura;

**Recramadas** sas deliberatziones pròpias n. 14 e n. 15 in data 01/07/2022 cun sas cales s'est protzèdidu, a manera respetiva, a s'esàminu de sos eletos a sa càrriga de Sìndigu e de Consigieri comunale e de sas conditziones de elegibilidade e de incompatibilidade de onniunu de custos, e puru a su giuramentu de su Sìndigu;

**Ammentada** puru sa deliberatzione pròpia n. 16 in data 01/07/2022 relativa a sa comunicatzione de su Sìndigu subra de sa nòmina de sos Assessoros e de su Vitzesìndigu;

### **Bidos:**

- s'art. 46, comma 3, de su D.Lgs. n. 267/2000 e mm.ii.ii., pro efetu de su cale, intro de su tèrmine apostivigadu dae s'Istatutu Comunale, su Sìndigu, intesa sa Giunta, presentat a su Consìgiu sas Lìneas programmàticas relativas a sas atziones e a sos progetos de acumprire in cursu de su mandadu;

- s'art. 14 de s'Istatutu Comunale, chi previdit sa presentatzione de sas Lìneas programmàticas de mandadu a su Consìgiu Comunale intro su tèrmine de 120 dies dae sa data de s'apusementu suo;

- su paràgrafu 8 de s'allegadu 4.1 a su Dlgs 118/2011 "Printzipiu contàbile aplicadu chi pertocat sa programmazione de bilàntziu", in ue est prevididu a manera ladina chi "Si a sa data de su 31 de triulas resurtat apusentada un'amministratzione noa, e sos tèrmines apostivigados dae s'Istatutu cajanant sa presentatzione de sas lìnias programmàticas de mandadu a fora de su tèrmine prevididu pro sa presentada de su DUP, su DUP e sas lìnias programmàticas de mandadu sunt presentadas a su Consìgiu in su matessi tempus, in onni casu non pustis de su bilàntziu de previsionone chi pertocat sos esertizios a sos cales su DUP si riferit";

**Pretzisadu** chi su DUP 2023-2025 at a èssere presentadu a su Consìgiu comunale in un'àtera setziada, in antis de s'aprovazione de su bilàntziu de previsionone 2023-2025;

**Àpida letura** de sas "Lìneas programmàticas de mandadu pro sos chimbe annos 2022-2027", comente giutas torras in su documentu allegadu "A" a custu atu;

**Intesa** sa presentada de su Sìndigu in mèritu a s'argumentu, chi at sutalineadu s'importu de sa collaboratzione dae parte de totu sos cumponentes de s'Amministratzione pro s'acumprida de su

programma e pro sa resèssida de obietivos fundamentales pro sa Comunidade;

**Bidu** s'art. 14 de s'Istatutu Comunale;

**Achisidu** solu su parre de regularidade tècnica espressadu cunforma a s'art. 49, comma 1, de su D.Lgs. n.267/2000 e mm.ii.ii;

**Bida** sa cumpetèntzia pròpia cunforma a sas dispositziones normative, istatutàrias e regulamentares in vigèntzia;

No essende-bi rechestas de interbentu, su Presidente de crarat aberta sa votazione.

Protzèdidu a votazione pro artziada de manu, cun votazione de sos presentes a favore totu de acordu,

## **DELÌBERAT**

**De fàghere pròpias** sas premissas narrative e motivatzionale a custu dispositivu leende-las a cunsideru comente recramadas e torradas a giùghere a manera integrale;

**De approvare** sas "Lìneas programmàticas de mandadu pro sos chimbe annos 2022-2027" chi cuntinent sas atziones e sos progetos de acumprire in su cursu de su mandadu amministrativu pròpiu, comente dae allegadu A) chi format parte integrante e sustanziale de custu provvedimento;

**De reconnòschere** chi s'at a pruvìdìre, in sos tèrmines prevididos dae s'artìculu 14 de s'Istatutu comunale, a una verificà regular de s'acumprida issoro e a unu dàbile adeguamentu issoro.

---

### **PARRE DE REGULARIDADE TÈCNICA**

Cunforma a s'art. 49 c.1 de su T.U.E.L. su Dirigente/P.O. **ARCA MARIANGELA** oe **22/08/2022** at espressadu parre a **FAVORE**

---

SU SÌNDIGU DUT. MURA ALESSANDRO

SU SEGRETÀRIU COMUNALE DUT. PULEDDA  
CARTA GIANNINO

**NOTA DE PUBLICATZIONE N. 655**

CONSÌGIU Atu N.ru 25 de su 29/08/2022

Cunforma a s'art. 124 de su T.U. 267/2000 su Responsàbile de sa Publicatzione **SEGRETÀRIU COMUNALE DUT. CARTA GIANCARLO** atestat chi su 02/09/2022 s'est protzèdidu a sa publicatzione in s'Albu Pretòriu.

Sa Delibera est esecutiva cunforma a sas dispositziones de lege in vigèntzia.